

逸史

午

和書門			
一	五	二	八
一	七	四	八
三	方	函	號
冊	架	函	類

內閣文庫			
一	五	二	八
一	三	四	八
五	〇	函	架
冊	冊	號	類

內閣文庫			
番號	和	15248	
冊數	13	(8)
函號	150		31

卷十三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



逸史卷之七

三三三三
三三三三

上野養書院藏

莫陰逸史氏同關子撰

淺尾五平天庫

天正十九年辛卯
至文祿四年乙未

十九年辛卯春正月蒲生氏以木村秀俊及伊達氏質歸

會津○五日大君帥師北伐至岩築開氏鄉報乃班師

中納言秀次亦還人君愛伊達氏雄才勸入朝謝罪○

廿二日大和大納言秀長卒無嗣甥秀俊秀次弟襲封和泉

國○閏月會津侯氏鄉如京師關白正木村秀俊罪削籍

國除氏鄉收祿之○十五日大君如京師拜封也○氏

鄉告伊達氏異圖關白怒馳使召之政宗聞命即發二月

入京師造貼金磔柱令捧而行前關白意粗解命詰問政

出修書後書
逸史卷之七

三三三三

三三三三

宗披摺不屈氏鄉獻其通賊手書召政宗示之政宗陽驚
抵掌曰字畫逼真但臣花押象脊令其點睛一月三易處
是為異耳關白索他文書照之果然乃原之權留諸京師
已而謂左右曰我非不知彼奸謀姑假借以安他又側耳
○十五日天皇敕賜御音於大君大君入覲拜賜
勅設賞花宴○夏四月關白追思北條氏規勇幹封以狹
山河內一萬石蓋以存相祀也○廿一日大君至自京
師○初毛利氏以治所吉田隘陋攻城于已斐於是乎成
遂徙治焉名之曰廣島○五月九部政實復反煽動葛西
莊內諸豪攻剽城邑所在響應與羽復大亂南部信直亟
戰不克告急于京師關白以人納言秀次為元帥赴援命

曰世行當覆巢穴殄根種以剗平東陸凡事皆取德川氏
節度奏給伊達政宗從四位下任侍從兼越前守與蒲生
氏鄉將前軍皆之國出兵淺野長政堀尾吉晴監軍關白
密謂氏鄉曰孤審知政宗反計但彼邇來不疑文書巧設
逃路膽略可用故曲加寬宥與平之日當徙彼於醜地以
其地賞子功氏鄉拜謝而行○六月關白使人來請北伐
且曰東北軍國諸務其便宜從事○是夏關白遣對候義
智後如朝鮮謂曰請速得明國要領不則我邦將先有事
于朝鮮泊釜山浦十餘日弗報忿而還對舊置府于釜山
守史常數士人於是稍稍逃歸不日聞然朝鮮益懼日議
戰守擇將募兵繕器械修城池舉國繹騷○秋七月大

相和... 君帥師而北... 政監軍八月... 城上杉景勝討... 景勝遂入與克... 集居民七月諸... 戰累日而不下... 土寇復起據險... 夾擊破之禽殺... 順逆是時賊寨... 乞滅死諸將乃... 城燔殺之時元... 帥秀次次三峽... 諸將送禽秀次... 白是元惡

怙終不可不示... 鎮護諸城與羽... 大崎趣遷以其... 萬石後氏鄉改... 蕭條政宗益歛... 逸史氏曰詩云... 偽宜乎蹉跌矣... 冬十月大君及... 令明賞罰除稅... 伊達氏城大崎... 好兵喜多事力... 欲陵駕前人誇... 耀後世於是東... 面既定海

出修... 史... 卷之七

內無事而心不自足以明不修好朝鮮成釁竊有外征之志憚輿議未敢言初久無嗣發東征命之歲姬淺氏始舉男鶴松鍾愛殊甚以是秋天悲泣殆絕歷月酒忽忽不樂或廢寢食乃欲以大舉慰無聊時明主翊鈞昏懦國多奸臣紀綱大紊關白聞之意決一日會列侯羣臣卒然謂曰外國比年阻我命實國家之恥元虜之來寇載於前志本朝唯存神后之征韓已未嘗聞耀兵於赤縣孤起自草萊既踐土台削暴殘遇亂畧合而四海同軌王室倚賴人臣之榮莫以尚焉但掌中之珠碎而不還哀疚之餘殘喘將罄人生無百齡大丈夫豈可鬱鬱自限獲哉今以秀次為嗣便執大政國家之事無足慮者孤將航海遠征

滅明而一帝於華域當先問罪於韓韓服則驅其君臣為先鋒不服則殄滅之然後度遼長驅事非難辦吾志已定卿等以為何如聲色俱厲眾駭汗失色刮席不敢言備前宰相秀家知其不可諫前曰洵是盛舉竄軼神后開關以降實所未有非殿下神算英斷孰能與之眾皆諾諾關白大悅奏請外征乃下令造艦艘巨艦于勢使九鬼嘉隆督之趣期晨夜並作遂命沿海諸國皆具戰艦時糧芻使人來告人君寫豆地材大治舟艦令高力清長董役關白令列侯就國治兵下符徵發諸道兵太夫人聞關白航海憂懣不食屢諫止關白患之乃輟親征趣命建行臺於那古耶肥前地起殿宇窮極壯麗廬舍環列規模宏濶所費

百餘萬金從夫十餘萬踰年而就云是時氏新免兵革拭目望太平及外征之命下天下驟然謗怨盈途朝廷雖駭其狂謀而憚威不能制也○十一月我世子秀忠遷參議其右近衛東將兼武藏守如故○關白田于吉良參地鷹犬數千羅網罟罟數百車至有力人臂鵬鷲以從者世以為偉觀○十二月關白定軍令以備前宰相秀家浮田為元帥擇西南海國諸侯分為八隊主計頭清正加藤一隊加賀守直茂銅島宮內少輔賴定相良屬焉攝津守行長小西一隊對馬守義智宗式部卿法印鎮信松浦修理大夫義純有馬為二隊分日送為先鋒豐後侍從義純大友甲斐守長政黑田為第三隊兵庫頭義弘島津壹岐守高政毛利民部大輔祐任

伊東等為第四隊左衛門大夫正則福島土佐守元親長宗部為

第五隊阿波守家政蜂須賀雅樂頭親正生駒為第六隊筑後

侍從降景川小早來目侍從秀包毛利左近將監宗茂立花為第

七隊安藝宰相輝元毛利為第八隊大隅守嘉隆九鬼中務少

輔安治脇坂左馬助嘉明加藤出雲守廣親來島等將水軍大和

大納言秀俊豐臣尚勅藤堂高虎攝屬水軍兵凡十五萬俟

期航海大君及大納言秀俊加賀宰相利家前田越後宰

相景勝上杉會津宰相氏鄉蒲生結城少將秀康津少將義光

最上等畿內東北道侯伯數十名從關白于行臺遙為聲援

右京大夫義宣佐竹陸奥守政宗伊達大膳大夫信直南等隸

大君兵凡十萬又團結游軍六萬人岐阜少將秀信織田左

出修書

京大夫幸長淺野右衛門大夫秀政中治部少輔三成石右

衛門尉長盛增田刑部少輔吉隆谷內膳正武則精東市

且元片等分將之以備後援作朝鮮地圖徧頒諸將期諸

道兵以久年三月悉會那古那處分既定乃立內大臣秀

次為嗣俄上表乞老請以秀次襲關白然軍國機務太閣

皆躬處決秀次無所預焉故事父歷關白子亦為關白則

稱父為太閣云

逸史氏曰有禮臣氏當韃靼之日不知休息之誼益銅心

於功名究兵黥武驅瘡痍之民於海外毒流天下禍加殊

域歿其世無復寧歲一時戡定之勲蕩然掃地宜乎神人

俱怒竟成覆白之殃焉微我大君天下之亂何時而熄

自古賢明之君將興暴君必先為之敵於乎天也矣

○舊幣方板金之制其來尚矣至足利氏以其割切不便

別鑄金錢重一錢二分又行砂金天正戊子太閣悉銷方

板改楮之為大小銀金與金錢沙金並行時關左便塞新

幣木布束土而砂金秤量煩碎不副急人苦之久矣是歲

大君請停沙金召京師金工光次後藤庄三郎更造楮樣大小

銀金與金錢並行於關東小銀重四倍金錢大銀什倍小

銀氏使之

○文祿元年壬辰春正月太閣召加藤清正賜以章旗小

西行長賜以駿馬清正太閣嫡弟系出於藤公道長以旗

鞠於太閤氏行長發身於藥戶三皆驍勇善鬪矜伐不

出終修後傳史卷之七

相下及分東肥而侯亦不修隣好請正負系譜心鄙行長
是日拜賜而出顧行長曰我當以此草旗宜威殊域子以
何旗爲行長應曰我將以朱圈巨紙囊揭竿首製葢藥戶
猶牌清正笑而止自此尤隙益深○行長聞丹人內藤如
安讀書爲文署爲記室欲我姓氏遠布異域使如安冒小
西氏如安江飛驒守故明人呼爲小西飛云○二月二日
大君帥兵萬五千發江戶令榊原康政輔世子處守康政
請從大君不聽曰留守重任非卿不可○十日天
皇幸聚樂關白秀次享之儀如大正戊子年○十六日
大君至京師十九日命徙忍城王松平家忠于上代下總地
以其地封公子忠吉食十萬石○三月大君及征韓諸

將相次而發京師廿六日太閤發京師時兵革日久上下
事武知字者唯浮屠已初或請曰是役也外國必有使節
往來宜擇有文才者從行太閤笑曰當令彼用我國字耳
於是擇僧永哲靈三承兌以從○夏四月抵藝造嚴島祠
駐師禱之令左右取錢一緡祝曰投而多面必得志矣揮
手一擲每錢皆紅師衆相傳歡呼太閤大喜隨納錢于神
庫葢預粘合二錢作兩字云
逸史氏曰豐公似襲狄青故智然公之不學豈知史冊上
有是事哉葢英雄一時機鋒偶然有諧合焉爾亦可以爲
一奇矣

○太閤至行臺諸軍仰給者五十萬人師已發那古那舩

船相商旗幟蔽大以風波泊于風本地廟旬日風得殺亦
西門長潛合部下舟艦乘夜而被抵豐崎地對及曉諸將覺
之加藤清正大怒與諸將飛舸追尾風濤益怒不得前行
長衝風發豐崎自起令水手大以死危而達于釜山浦實
十一日也釜山僉便鄭撥出獵聞警狼狽而還行長隨圍
其城一鼓拔之獲撥遂分兵拔西平浦多大浦獲多大僉
使尹興信行長執訊問要地答曰西北三十里有東萊朝
鮮蓋以我六町為一里行長謂衆曰我欲休兵弛勞然東
萊聞攻則守備必嚴今乘其未定先取之如何衆皆踴躍
十五日進圍東萊肉薄而登城兵潰斬首千級其府使宋
象賢坐受刃而死行長嘉其節殮葬而標之進拔梁山

鵠院分兵長驅郡府州縣望風降潰其巡察使金晬自晋
州赴援東萊路聞敗惟撓卻走行檄列邑諭民避兵慶尚
右道頓空○十六日加藤清正入釜山浦進攻慶州熟之
守將葉城遁追亡斬首一千五百級連日麾衆長驅所向
披靡無一人抗者於是諸隊舟艦相繼皆達矣朝鮮王略
聞警大懼首以李鎰為巡邊使遂差將分守險要鎰點
兵於京城皆市井白徒無知戰者既而諸城敗報者至乃
以申飢為都巡邊使繼發砲以宿將自負於是惶惑失度
人知其敗或建言日本入長於槍刀請造滿身厚甲王略
聚工晝夜並作既就重而不堪用乃停工其備禦無策幸
加北○行長聞金海城黑田長政至伐樹芟麥填湟而登

朝鮮通志卷之七

十一

守將徐... 城遁行長畧定石道諸邑初朝鮮以金誠
一為慶尙道右兵使誠一晨夜赴任行長與之遇誠去
走誠一踞故床不動命軍官迎射殪一人我兵不敢而誠
一招離散謀守禦朝鮮王以誠一嘗謂日本為虛喝以誤
國事逮平獄未至赦之為慶尙右道招諭使以金功為左
道安集使行長截其中路不通聲息其守令皆棄官而逃
○行長欲取尚州會巡邊使李鎰至行長曰韓人怯懦生
兵新來亦不追畏進抵善山而鎰不知或報曰敵近鎰以
為惑衆斬以徇布陣于州北行長使數十騎往覘鎰舉望
見不敢言行長拔尚州縱火城中鎰望烟始使騎出探我
兵伏而下射以銃斃之鎰衆奪氣行長隨以大兵追以銃

手殪者如麻鎰急呼軍人叢射箭數十步輒墜行長麾兵
奮擊分左右翼欲繞出敵後鎰知事急策馬先遁軍大亂
徧禪已下無得脫者我兵追鎰甚急鎰棄馬裸體而走聞
申砬在忠州投之初砬至忠州得忠清道兵八千欲進扼
鳥嶺之險猝聞尚州敗膽落不能前廿七日行長踰鳥嶺
兩岫如束巨川盤紆路出其間行長再四偵探知無兵乃
拚舞而過或報砬曰寇已踰險砬以為妄言輒之乃出兵
于彈琴臺背江水布陣廿八日行長從丹月驛分兵夾擊
砬先定滿江餘衆脫及者皆死水遂取忠州○加藤清亦
及諸將會行長于忠州議分道入王京清正行長爭道
劍馬諸將居間乃解行長自東路清正自西路西路隔

漢江行長使人竊往流其南岸州初行長拔蔚山捉其郡
守李彥誠赦之傳書於朝鮮王諭降彥誠因而畏罪不敢
發書尚州之捷禽其和學通事景應舜授以太閣書契送
還責彥誠報且曰朝鮮有意興棚可令李德馨會於忠
州德馨嘗接伴我使者故行長召之朝鮮王許窮使德馨
挾應舜往途聞忠州陷德馨先使應舜往探加藤清正禽
應舜聞其爲行長使也乃殺之德馨中路走還○王京聞
李鎰敗上下震駭各圖奔竄而尚望申礪一捷晦有軍卒
三人馳入城都人爭問消息輒曰申總兵敗死闔軍殲焉
俺等幸脫欲報家人避兵耳人人傳告不移申城中糜沸
朝鮮王分遣王子於諸道各自徵兵與世子乘夜奔平壤

官員軍衛狼狽四散哭聲滿城文武僚屬扈者裁數十人
亦多逃亡供其屢聲饑餓殆不支八日而達平壤乃發使
者求救于明○朝鮮都元帥金命元守漢江開清正且至
大怖疑兵奔臨津清正至則無舟望見鳧鷖戲北渚笑
曰敵已遁使役人取其舟遂濟○行長至驪水江原助防
將元豪據北岸堅拒行長撤民舍結長筏中流覆沒死者
甚多命江原道巡察使柳永吉召豪歸本道行長得濟王
京留守李陽元聞之奔楊州五月三日行長入京城聞然
無人乃分兵守四門四日清正至王京居十餘日元帥秀
家與華帥皆至凡所得城寨留兵以守烽燧相望自益山
遼王京秀家命華帥分道窮追自鎮王京遣將入楊州

金命元之棄漢江也其副帥申恪不從率所部赴揚州恪
忠勇有軍界會咸鏡南道兵使李憚至兵勢稍振浮四氏
兵與恪戰大敗自我師航海至此始覩韓人踴躍命元在
臨津破恪違節度罪當死朝鮮王使人即軍中斬恪及捷
報至遽命赦之則恪既死○清正長政會行長于臨津初
朝鮮王遣申砮助命元守臨津韓應寅亦往焉我師軍于
南岸相持十餘日乃設伏伴遁砮輕而無謀見之促濟應
寅適至亦麾其衆濟伏起大破之斬馘無算擠餘衆于水
砮申砮及其將劉克良克良老而習兵初見砮濟大諫
砮怒將斬之克良恚曰王將誤國事矣我鬚髮從軍豈畏
死哉與其屬先渡及敗下馬坐地曰此吾死所也射墮數

入而後死北岸軍望塵而潰命元應寅走還王所我師遂
濟自安城驛分路而進長政自黃海道清正自咸鏡道行
長自平安道○太閤者聞捷報度明人必來援乃發奉行
石田三成增田長盛長束正家等游軍六萬往伊達政宗
請往許之○清正至永興聞朝鮮二王子赴咸鏡北道大
悅兼行十餘日抵鐵嶺與北道兵使韓克誠遇于海汀倉
北人善騎射地又平行我師不利退入倉中會日暮克誠
縱兵圍之清正命銃手叢射丸皆疊疊克誠敗走屯嶺上
清正夜伏兵於山間乘曉霧四面齊登敵驚潰伏起乘之
克誠遁入鏡城府追尾又敗之擒克誠朝鮮王子肆音王
子音魂奔會寧府清正兼程窮追焉○行長至大同江初

朝鮮王入平壤爲久駐計以俟明救地險而糧仗充盈人心稍回及我師迫大同城中大擾王盼荐告急于明遂議出走行長使人報王京曰平壤可指日而定平壤既下當飲馮鴨綠江長驅入明元帥秀家以全羅黃海諸部落未下恐其孤軍深入歸路隔絕誠之曰當俟舟師自全羅至併力度鴨綠行長乃命柳川調信僧玄蘇以書召李德馨諭降德馨來議江中依違不決調信玄蘇厲聲曰今日之事不須多言女君第亟銜璧導我師問罪於明而已不諧而罷六月十一日朝鮮王奔寧邊使相尹斗壽將金命元守平壤兵使李相德浦江灘我師營于東岸相持數日不得濟命元遣別將夜斫我營我師亂行長厲衆招鬪宗義

朝鮮王入平壤爲久駐計以俟明救地險而糧仗充盈人心稍回及我師迫大同城中大擾王盼荐告急于明遂議出走行長使人報王京曰平壤可指日而定平壤既下當飲馮鴨綠江長驅入明元帥秀家以全羅黃海諸部落未下恐其孤軍深入歸路隔絕誠之曰當俟舟師自全羅至併力度鴨綠行長乃命柳川調信僧玄蘇以書召李德馨諭降德馨來議江中依違不決調信玄蘇厲聲曰今日之事不須多言女君第亟銜璧導我師問罪於明而已不諧而罷六月十一日朝鮮王奔寧邊使相尹斗壽將金命元守平壤兵使李相德浦江灘我師營于東岸相持數日不得濟命元遣別將夜斫我營我師亂行長厲衆招鬪宗義

十一

智勒兵繞出敵後夾擊殲之其逃者涉自王城灘淺處行長望見曰水可亂矣麾衆從之師畢濟潤德不戰而潰斗壽命元震怖沉器械於池開門出其民挺身而遁我師入平壤得糧食十餘萬石韓量一斗當我二升五合以十五斗爲一石當我五斗二升五合行長就次平壤分兵四出攻略日望舟師報大友義統在鳳山黑川長政在白川小早川隆景在開城與諸將列城寨達王京互爲應援朝鮮王又走義州虜懼我師如虎所在竄匿潰散於是沿道間無人聲益發使于明乞救且求內屬○初我水軍將九甲嘉隆脇坂安治加藤嘉明藤堂高虎等泊釜山浦欲自全羅海上出黃海道與陸師會全羅水軍節度使李舜臣以龜舡四十艘次巨濟鉅艦數十

朝鮮王入平壤爲久駐計以俟明救地險而糧仗充盈人心稍回及我師迫大同城中大擾王盼荐告急于明遂議出走行長使人報王京曰平壤可指日而定平壤既下當飲馮鴨綠江長驅入明元帥秀家以全羅黃海諸部落未下恐其孤軍深入歸路隔絕誠之曰當俟舟師自全羅至併力度鴨綠行長乃命柳川調信僧玄蘇以書召李德馨諭降德馨來議江中依違不決調信玄蘇厲聲曰今日之事不須多言女君第亟銜璧導我師問罪於明而已不諧而罷六月十一日朝鮮王奔寧邊使相尹斗壽將金命元守平壤兵使李相德浦江灘我師營于東岸相持數日不得濟命元遣別將夜斫我營我師亂行長厲衆招鬪宗義

朝鮮王入平壤爲久駐計以俟明救地險而糧仗充盈人心稍回及我師迫大同城中大擾王盼荐告急于明遂議出走行長使人報王京曰平壤可指日而定平壤既下當飲馮鴨綠江長驅入明元帥秀家以全羅黃海諸部落未下恐其孤軍深入歸路隔絕誠之曰當俟舟師自全羅至併力度鴨綠行長乃命柳川調信僧玄蘇以書召李德馨諭降德馨來議江中依違不決調信玄蘇厲聲曰今日之事不須多言女君第亟銜璧導我師問罪於明而已不諧而罷六月十一日朝鮮王奔寧邊使相尹斗壽將金命元守平壤兵使李相德浦江灘我師營于東岸相持數日不得濟命元遣別將夜斫我營我師亂行長厲衆招鬪宗義

十一

繼之列哨船於唐島高虎以快舸赴戰奪其哨船百餘遂
縱火唐島斬獲百餘諸將遂議進取所言各異爭辨不決
廿四日嘉明以二十艘先發諸將爭起繼之嘉明力戰奪
敵舟十餘艘舜臣陽退入洋中我師鼓譟競進舜臣鳴鼓
一舉眾艦迴舳合圍飛矢雨集繼以大礮火箭艦體粉碎
焰烟漲天來島康親出雲死之安治麾眾猶前兵皆死屢
以單礮免我師大敗後連戰皆不利舜臣益糾合舟師次
閑山島我師不得前全羅忠清黃海道等瀕海州郡不被
我蹂躪以待明師至者舜臣之力也○秋七月明遼東副
總兵祖承訓率兵三千及游擊將軍史儒至義州承訓問
館伴曰倭已走乎答曰尚在承訓舉酒仰天祝曰是大使

我成殊勲也十八日進次安定館行長夜出輕卒試之明
營擾行長笑曰此虜亦易辨耳十九日行長與明師戰
安定苑以銃手時霖兩驍月承訓遠來士馬俱疲望見我
師旗甲鮮明馬皆龍獸具裝悉褫氣馬驚而逸我師鼓譟
乘之明師敗績史儒中丸而死明兵殲焉承訓單馬遠度
二水而逃尚恐追至遂還遼東○清正追王子五旬而至
會寧府八使鞠景仁叛執二王子報曰將軍以寡兵親來
受囚不戮一人則舉城降且曰城中糧竭王子已下不食
三日願得食清正皆許之從十餘騎而往使數十人齎食
繼之餽裨皆以虜情難測諫止清正叱曰鼠輩作孽曷足
患不幸既不與王遇今又狐疑而逸王子悔亡及也藉命

陷其計當斬名王而後死亦我之分也遂入相見持食者
陸續而至虜疑有變彎弓圍繞清正連呵語言不通愈益
相逼清正忘投印印之人給一紙虜皆捨弓羅拜清正寘
王子於鏡城府分兵護備善視之聞會寧與女直接壤以
景仁爲導率兵八千進入女直女直俗土着有城池之固
善騎射清正拔其一城乃布陣排銃手曰虜必復來及夜
女直果至矢雨下清正奮擊破之追亡傳其城迫以銃手
鼓譟而登虜酋大人皆逃竄清正下令曰我兵寡而無繼
聊耀我武耳收軍而還虜騎追躡連戰破之清正殿而退
前後斬馘二千餘所失亡裁九十人女直破膽不復尾二
旬而達鏡城○元帥及三奉行兩先鋒以諸軍餉乏明

大兵且至交章荐告急太閤益發漕運日會諸將議方略
初黑田勘解由孝高跋而勇與竹中半兵衛重治並爲太
閤機密臣聰敏機警所籌畫莫不合或能出意料幕下目
爲良平重治蚤死孝高獨用事太閤益信任而心竊畏之
不欲建爲大藩孝高揣之恐取殃及受封于中津無幾告
老不許曰予今中身何老之有答曰臣雖未衰而足旣不
良近又覺癥結之疾賤息長政旣長幸不甚驚竊恐一旦
填溝壑不及觀其榮廟使之蚤從國事得以慰鄙心固請
焉太閤僉之曰但勿廢帷幄之職也因令長政襲封孝高
乃祝髮自號如水益見親暱及是役亦以自隨如水嘗在
其署語旁人曰出師之要在乎選將今可能統大兵定殊

域者莫若德川氏其他則前田氏與我而已浮田氏匪其器故加藤小西負勇相讐以私忘公吾聞之小西置法加藤沮之加藤布令小西格之所向唯務攻伐而無綏御之方故種人皆恟懼逃竄我所得諸道不生寸草如此而欲平定豈不難乎太閤側耳戶外聽而節之一日會列侯大臣曰征韓諸將皆不勝任我當親往留而統大政源亞朴其人也亞朴一人在焉我無內顧憂我以兵十萬將中軍加賀宰相以十萬將左會津宰相以十萬將右一戰舉韓鼓行覆明正帝號撫華域實千載一時卿等亟具舟艦大君弗愕曰某自幼事武未嘗以怙怯自撓今殿下與名公巨蒞航海某獨遺落在後何恥若之彈正長政離次言

於大君曰太閤狐憑矣狂言則然公勿以為意太閤彪怒蹶起拔刀擬長政利家氏鄉牽裾諫曰不須殿下下手不敬之罪請議正典刑長政神色自若曰死而有益於國家闔門寸斬唯命曩日喪亂之久天下糜沸以殿下戡定億兆欲息肩乃猝興遠役玩武黷兵瘡痍之民忍痛荷戈老弱復瘁於漕挽加以國計之匱徵歛亡度愁怨之聲都鄙相接今而殿下航海則雄鎮大藩無所統御羣盜乘虛蜂起四方及側子響應而雲合上有瓦解之心下有土崩之勢天下危機敗症一朝而駢至源納言獨留亦末如之何願及今疾罷征韓之師振旅於京師縮凶器布寬典與民休息可以興頌聲可以祈永年實天下幸甚太閤

滋怒利家氏鄉麾長政退長政還舍待罪居數日肥後急
警至初薩人梅北宮內在肥聚羣盜時加藤氏不在肥佐
敷取之郡邑多畔而應之太閤聞警大愕急召長政曰彈
正其慚焉遣汝兒如肥援勦顧大君曰幸長政長政曰彈
夫猶少請收本多中書大君令忠勝從德既而肥人堺
典西善右衛門以計給斬宮內佐救人爭起助興西遂擊餘黨
平之幸長忠勝途歸太閤遣長政如肥綏撫焉召興西祿
之
逸史氏曰善夫彈正之爭也雖其言不悉行也一時狂謀
爲之沮敗所補不淺淺也矣自是役之興中外明知其非
又田豐公之憍悍不可撓也故與其言出而禍隨也寧結

舌以遠害耳彈正忠憤之氣有積而後發張壯膽批逆麟
非有肥之兵變以霽其威殆矣哉當時豐公之門猛將謀
士如林徒知致死於鋒鏑之下爭功於智力之末至於國
家大計蓋闕如也乃彈正氏蹇蹇匪躬之節其所關係尤
大且重實可嘉尚焉爾矣
○自大閤之西旭臺憂念成疾疑以爲太閤既入韓左右
百方解說不信也於是危篤太閤併程歸覲晦日至京師
則旭臺既薨太閤大慟絕而後蘇引咎悔恨○我非子秀
忠如京師會喪○是月大君遙授經畫大城于江戸○
八月朔朝鮮李元翼李蒼攻平壤小西行長邀擊走之十
日元翼再至復伐破之浮田秀家攻朔寧拔之獲其守將

沈岱公為人慷慨以國事自任以涼畿監同在朔寧謀進
復國都然書生不閑軍旅一戰授首云○免紫土野介廣
門從慶尚道入全羅道赴全州府守將鄭湛邊應井頭于
熊嶺戰而日暮卒破之斬湛應井其別將李延鸞李洸堅
守府城旦多張疑兵廣門仰城以爲生兵新至難力爭焉
乃封熊嶺尸標曰朝鮮忠肝義膽收兵而退全羅一節由
是免我兵矣○祖承訓之敗也攝津守行長檄朝鮮有羊
羣放虎之語聲言旦暮渡鴨綠義州荷擔而立明聞聲息
上下震駭明主瑬鈞命大徵發以備東北知我兵鋒不可
當也款以講和舒事乃募能使我師者官帀人汝惟敬多
齎金幣如朝鮮關說惟敬浙民客居國都狡獪薄行都下

有鄭四者嘗歸化在對久旣還爲妓館隸惟敬蕩遊就鄭
四刺取我國事乃欲際會以樹功射利人大言我能知
倭情又與兵部尚書石星妾父袁茂狎飲星聞茂言召惟
敬與語大喜薦之故有是命是月惟敬至朝鮮以書報我
師卑辭請和致金幣行長悅求而議遂與宗義智等陣于
平壤城北十里盛設軍容惟敬從家丁數人至矯情示不
懼行長曰若欲定和議當亟發使者航海乃約數條惟敬
務欲弭兵以自功曲意承當應答如響因言歸取報而來
期以五旬請以平壤西北十里爲界和兵不得出韓兵不
得人則踰期不至任客所爲行長許之乃以木標之而去
○九月三日地動○九月日詔敘我世子秀忠從三位任

中納言○初石田三成蜂須賀家政入江原道三成營原
 州家政營忠州家政與韓將元豪戰于龜尾浦敗衄三成
 將如王京與邊應星遇敗于馬灘毛利高政營春川豪轉
 攻之徂勝輕進高政設伏敗之獲家於是江原一道無與
 抗者○福島正則令部將守慶州城韓將朴晉攻之守將
 擊卻之時虜劍造大砲名曰震天雷晉夜使潛放之城中
 巨丸墜中庭衆怪聚觀須臾火藥發震激若雷鐵彈四迸
 死傷百許人守將懼而棄城○冬十月太閤表請再詣行
 臺 天皇救勿人韓○加藤清正之北行也鍋島直茂
 相良賴定等留守永興徇下德原咸興等上城徙屯咸興
 清正已禽二王子及大人金貴榮黃赫等反自鏡城至蓮

下韓將梅天率兵三萬據梁養山寨歸路清正與戰于桶
 中大破之俘斬若干餘衆皆潰直茂賴定來迎清正還次
 安邊益築全山桶州與直茂等竭心綏撫士人愛戴十一
 月咸鏡道巡使李希得以兵三萬軍咸興城北直茂率兵
 三千邀擊疾戰大敗之斬首千餘希得遠遁○明得沉惟
 敬報而和議未固以天方寒人多勸出兵明王命李如松
 及弟如栢如梅等練兵出師石星獨持和議使惟敬復往
 探動靜小西行長在平壤曠日引久惟敬過期不來乃怒
 戒戰剋期渡鴨綠會惟敬至留宿城中行長等傳譯密議
 累日而去語秘不傳○十二月八日詔改元天祿○是
 月李如松至遼東惟敬見如松曰和議旣成行長請撤平

壤以大同江為界如松銳意於戰以惟敬為惑眾叱欲斬
 之其下曰籍惟敬給敵而襲之可也如松乃拘諸營誓師
 渡鴨綠江初行長收種人金順良等四十餘人為開牒四
 川探聽虜中動靜立馳報於是韓人入柳成龍因事執順
 良鞫而得實一時逮捕無脫者故明虜既至而我師不知
 也○是歲大君討公平信吉于佐倉下總地食四萬石封
 外孫與平忠明美作守信昌第四子松平于小幡上毛地食
 三萬石○關白秀次奢侈無度太閤欲遣征韓關白懼遠
 役推托不奉旨行臺流言關白有異圖太閤不問焉○樺
 人據原肅年三十餘唱學于京師以事忤關白避如西肥
 豐臣秀秋太閤夫人兄木下肥後守家定第在行臺與書

有舊教為客大君聞其賢時時延見訪以聖學之要心
 敬重之既而遊豐還京師肅字欽夫中納言定家十二世
 孫父為參議為純世食播之細川肅幼而穎秀依僧東明
 讀書於龍野播地過日成誦號曰神童度為淨園長遊京師
 益肆力於學貫穿百氏而心不慊於佛教及壯歲患世無
 明師奮然航海將適明阻風波而還因嘆曰聖人無常師
 我亦焉不學復適京師杜戶謝客及求之於六經尤潛心
 於四子新注曰道在此矣遂為儒博采遺編乃始表章濂
 洛關閩之書盡棄異說以興起正道為己任龍野城于赤
 松政村下野守義村自肅之少甚奇之傾心敬重焉及其
 在京師使聘不絕時邀咨問禮待益至韓人姜沆有才學

歸化在播嘗見肅驚曰我朝鮮三百年間未聞有如此之
人矣又曰我雖播越于殊域而以見斯人爲幸學者翕然
稱曰惺窩先生名動一世
逸史氏曰在昔王室之盛文教闡明學校之規科第之
法煥然大備矣然承緒乎隋唐聖言未晰其所以爲學不
踰訓詁詞章之習乘以神佛譎誕之說以壞人心害政事
既而皇綱頽圯四郊多壘武人迭執國命者四百有餘
歲典章文物頽弊亡餘所謂訓詁詞章之學亦厝厝影嚮
乎浮屠間道之榛塞可謂極矣嗚呼天未喪斯文誘衷於
惺窩先生自奮乎淄艾以講明絕學洛閩之統始揭於我
邦爾後渾屬昇平鉅人傑士相繼拔起而今我朱之籍家

誦而戶藏與天壤不朽者先生實爲之倡先生之功豈不
偉乎

○二年癸巳春正月朔李如松遣別將查大受抵順安伴
報我軍言和議如約况惟敬且至玄蘇以詩慶曰喜氣忽

消寰外雪乾坤春早太平花

起聯扶桑息戰服中華四海九州同一家

小西行

長大悅遣牙將迎惟敬大受飲之酒醉而殺之徒隸死者

十餘人長大駭遣小西如安詰如松如松見如安於肅

寧館慰解還之○中川秀政

右衛門大夫

成水源恃勇不做一

朝與左右臂鷹而出爲韓人掩擊而死無子羣下懼咎報

以親邏遇變太閤不憚移書責其輕忽削封五萬石令其

少秀或

修理大夫

嗣焉食三木七萬石尋徒封于豐之竹田實

綱○五日
上皇崩○六日如松等兵五萬至平壤行
長始覺其詐分兵登埤七日明兵攻平壤韓李鑑金應瑞
門于含巷門城兵堅拒卻之是夜出斫李如栢營不利八
日圍合獨缺東面如松門于小西門如栢門于大西門吳
惟忠駱尚志門于北門祖承訓門于南門以我易韓兵也
承訓軍詭韓裝不敢前行長督衆拒于小西門弓銃叢發
虜少卻如松擇死士拔鉤梯直上我兵方翕力於此輟而
面不備承訓乃卸裝露甲肉薄而登城中大驚急分兵
捍拒刀槊下垂若蠟如松與如栢惟忠等已奪門三而齊
入火器並發烟燄蔽空我兵殊死巷戰死者千六百退保
牙城虜亦多死收軍城外虜之至也行長告急鳳山寨大

友義統懼撓棄寨奔王城行長知援不至夜收衆踏冰度
江奔龍山寨黑田長政聞之自白川率兵迎行長殿而退
虜不敢追入同江以南諸寨相議皆撤守會王城筑前侯
隆景獨不可曰初自承命不念生還明虜新來當決戰以
示我武我齡已頽死不足惜且失一將亦未爲損國事今
橫片原野使明國知日東有小早川隆景不亦愉快乎虜
乘勝而進則途必出于此公等皆去我獨當之石田等三
奉行冉三勸退乃撤開城違王城三里而陣毛利元康大
輔秀包藏宗茂屬焉十九日明師人開城三奉行恐韓人
爲內應收王城士民數百人悉殺之廿四日李如松抵臨
津會水半洋韓人編藤造橋衆乃濟廿六日宗茂與明先

鋒查太受朝鮮將高彥伯遇礪石嶺力擊破之斬級百餘
廿七日如松率番漢步騎十萬陣于碧蹄嶺景奮曰是
我展力之秋也分兵二萬爲六隊邀擊鏖戰衆寡不敵前
一隊皆岷隆景大呼厲衆攢矛鼓譟山壑爲震敵皆披靡
元康秀包典宗茂以左右翼衝擊之敵軍益亂明刃短而
鎗我刃長而鎗加以勇怯異科無不一當百士衆舞刀於
雜林間突無與抗者抗者即斃屍積成丘明師大收績如
松墜馬井上五郎揮槍刺之不至身明將李有聲捍禦免
之衆鉤有聲支解之時圍合勢重幾獲如松如栢其別將
楊元亨援至竟得脫走追亡蹙之臨津斬馘萬餘溺死無
算山野朱殷水咽萊流我師所亡失裁百餘人會天雨水

釋泥深如松奔坡州衆皆遺棄甲仗已而招集潰散其左
右親近皆死如松痛哭徹曉旦日退兵東坡朝鮮金命元
等爭勸更進如松曰我昨未敗多殺敵但此地泥濘不便
於駐軍耳二月雨霖不止我師又已焚沿道山野虜馬瘠
且飢斃者殆萬匹如松欲還開城韓人力爭責以大節如
松佯應曰諾遂策馬奔開城唯查大受猶守臨津朝鮮軍
駐東坡如松以勇武善戰有名其國推爲第一平壤之戰
以和議給我出不意故得捷氣乃益驕至是一敗塗地始
知我士衆之豪健甲兵之犀利皆負軼其國膽落神泣無
復人色乃馳使其國稱疾請代○平壤之陷也諸將皆會
國都韓人伺間往往舉兵清正獨在咸鏡道聲聞難通明
出參將樓書

宋應昌以經略使在遼東聞之曰清正可以虛喝服焉乃
使行人馮仲纓抵安邊傳譯曰貴國無故殘破我屬國我
天子震怒發兵四十萬克平壤復國都貴國元帥浮田秀
家已下業已就禽餘衆降散畧盡公獨以孤軍在深地計
將安出聞公存志仁義所過秋毫不犯我天子甚嘉焉又
聞朝鮮王子陪臣幽繫在公手我天子是悼焉及今送還
王子已下戢兵而退我朝廷當發船艦護送兩國無事若
猶豫不決則我大兵北下全勝之威所向齏粉雖悔靡及
公熟圖之清正命記室以書答曰俘囚進退待我朝廷指
揮非闖職所擅也我性好懸軍深入且士勇而及銳糧餼
不乏貴國大兵能來則來矣斯地疊山峻嶽橫前踰而來

者日不得過一萬每戰斬一萬四十日可了然後牙纛指
貴國星馳電行直擣巢穴擒貴國之君使華城臣妾於我
日本是我凱旋之時仲纓太怖蓬累而去○元帥秀家以
諸寇充斥發間使召清正還會村中兵起清正進擊平之
斬首三千餘乃與鐺島直茂相良賴定等撤諸城兵會國
都○柳成龍屢遣人開城請進兵李如松應曰天晴路乾
則當進竟無鬪志及清正反國都明軍訛傳清正自咸鏡
間迫襲平壤如松驚愕曰平壤乃根本即不守大兵無歸
路遂揚鞭回平壤時金命元屯臨津南如松恐為敵所乘
命還江北成龍聞之陳退軍五不可固爭之如松嘿然獨
去○太閤聞明師大至使黑田如水淺野長政加藤光泰

細川忠興毛利秀元守甲斐等相繼赴援○朝鮮王之奔義州也真重器於晋州令金時敏以兵二萬守之地險而城固元帥秀家議進勦欲取晋州遣光泰忠興等往焉大敗而還○國都有龍山倉積粟數十萬石查大受李如梅潛兵間道焚之糧食蕩盡我師始窘○三月諸將會議石田三成曰今餉饟既乏虜又濟臨津而屯漕路梗絕宜棄國都退保釜山浦以俟海運清正曰辛苦得國都豈可輒棄哉我以孤軍八千破女直勁虜數萬如拉枯振落韓漢鼠輩何為當摧臨津取其食耳三成素嫉清正多功乃作色曰子能往則以麾下往不得仰助於他隊清正曰諾遂以其甲夜襲臨津殊死戰大破之金命元涉水而遁清正獲

馬牛若干匹悉馱其粟豆而還三成益不平○初李如松克平壤鋒銳甚囚沉惟敬不復問和議及碧蹄之敗氣大索且不得水土海氣蒸濕疫盛作益圖結局而我師亦芻蕘既燼衆生惡瘡行長最心折思歸韓人不得樹麥賊等相望於是和議復行夏四月如松貫惟敬來見行長申前議約以七事一曰歸俘蓋送還朝鮮王子已下也二曰割地蓋割慶尚忠清全羅三道與我還其他于朝鮮也三曰人員四曰封冊蓋修足利氏故事也餘三事秘不傳行長及元帥二奉行皆不學亡術以人貢為隣交之禮以封冊為封太閤於明國王喜受約玄蘇等雖粗知字亦記誦陋習不識國體未嘗辨析其不遜後雖知封貢為國恥而出修辭體書絕史卷之七

惟敬語我情欺罔百出行長等甘心聽納申報行臺惟敬
請先撤王京兵以爲信諸將勉從之十八日縱火城中
乘烟撤兵步步相顧分番輪燬虜旣屯于烏嶺懼不敢迫
師濟漢江斷橋沈船而退筑侯隆景之策也李如松聞成
行神稍定始進兵廿日入王城柳成龍謂和好非計屢極
言之如松陽許可於是成龍見如松請尾擊焉如松曰是
獲我心但奈漢江無船成龍預具船艦乃艤之漢江以請
如松不得已使如栢率兵萬餘往半濟如栢稱疾作回棹
我師屯釜山浦列營于蔚山西生東萊金海熊川巨濟依
山擁峙爲久頓之計虜亦分守諸要而不出朝鮮兵災日
久民皆四散至是大饑道殣益多○太閣正豐侯我統鳳

山避逃之罪放之於長放其子義延於武唐津

肥前地城主

秦信時

波多三河守

亦以怯懦奪封悉分其地嘗有功義

統其先曰能直源將軍賴朝庶子冒外姓建久中受任豐
後至義統二十世於是不胤○五月明遣謝用梓徐一
貫沈惟敬來講約太閣聞封明王之說忻然許之厚享遣
歸令小西飛彈守如安借往遂命外征諸將歸俾且諭屠
晉州快前憤然後斂兵以待和議之定○六月加藤清正
送還朝鮮王子臨海君瑋順和君瑋及大人黃廷或舍貴
榮黃赫等清正待諸囚存恩皆感泣而去諸將合兵六萬
攻晉州時朝鮮諸部大人金千鎰崔慶會黃進高從厚等
以大眾入晉州與守將徐禮元成守璟竭力抗拒我師環

竹盾堙湟溝之城固而矢石雨下數日不得登廿八日清
正造龜甲車裏以牛革募壯士乘而進穿城址墻壞者三
雉濤正與黑田長政鼓衆而入諸將見之四面齊登禮元
千鎰慶會等皆死斬首六萬全牛羊雞犬殫殺之無復噍
類夷城填濠堙井刊木乃退待約○秋七月李如松等班
師南還成兵亦多罷時明國衆言紛紛獨石星堅持欲議
沉惟敬與星親密欺誕百方故再有使命及聞我師拔晉
州疑和議敗拘小西如安於遼東不許入○八月太閤季
妃淺井氏生公子秀賴于大坂太閤大悅以軍務委賀侯
利家而還大君還至大坂賀得嗣也○九月天皇
使右大臣藤原晴季菊如大坂慰勞太閤○閏月我世子

秀忠如京師○冬十月大君如京師廿六日至自京師
○是月朝鮮王昭復國者加藤王計頭通和議還諸囚
怏怏不愉以小西如安久不還意和議不成十一月攻安
康大破其師○是冬大君延聘藤原肅開講筵詢訪治
道○太閤既得男將以爲嗣關白秀次殊無避位之志太
閤亦難言之乃欲爲關白別築大城以大坂與秀賴幸明
國和諒既起外事有間先下令量稻行臺及朝鮮屯戍自
餘諸將皆罷還以備興作賀侯亦還至大坂○是歲太閤
收前後韓明之馘封于京師方廣寺前爲京觀世呼爲耳
墳○朝鮮荒殘之餘殭尸盈野猛獸爭出人皆苦之而後
諸將曠日無事乃議校獵屢圍山澤毆虎豹豺狼弓銃聲

如加麻或斬或暴韓人殞身閱觀相傳皆吐舌又設檻穿

○廿六

多獲生虎豹以獻太閤嘉尚焉
○三年甲午春正月太閤命大城于伏水課天下國主城主輸大石鉅材區地受役二十五萬人二月大君命神原康政賦役於統內遂如大坂○關白秀次為人昏虐屬中原無事志益驕溢日事遊畋荒淫亡度喜怒不節動輒手刃侍臣夜屢微行斫人于街路嘗出望見孕婦曰古有剖胎者其樂可想矣因命左右曰過孥來一人馳及之附婦耳曰第亟行乃搗路傍晒麥反命曰是懷麥囊者非育身矣故臣謹取一掬以證之婦得危而脫又自城壘以銃彈人以為笑樂技精命中多死傷者
上皇之崩

數日而田獵世目為殺生關白

殺生與攝政
邦音相通也

於是黑田如

水切水切太閤櫛風沐雨以刻定禍亂春秋既高而凶器未戢實智士焦心肝之秋殿下以外甥得為嗣什極人臣自公卿牧伯車馬闐門莫不望塵而奔走皆太閤之恩非殿下之功也及今不圖報效晏然以逞嗜欲士怨民怒恬不思省非至計也今太閤勅於外征殿下盍改過悔非請如行臺攝軍務為太閤必悅富貴乃可保不則譏罵競興變不可測矣秀次不納參議氏鄉亦恐秀次獲戾鞫勸其航海請身為先鋒亦弗聽○三月太閤如吉野賞花大君及關白秀次菊亭右大臣晴季日野大納言輝資大和
大納言秀俊加賀參議利家等皆從焉裝飾華麗馳從其

出參侍後傳 龜史卷之七

○廿七

盛沿路視者如堵堵遂如高野初太閤之觀兵於高野也
 辟教僧與山挺身請降率眾僧奉行號令太閤嘉之以興
 山為貫首後為置一寺名以興山太夫人亦為建青嚴寺
 於是太閤見山中伽藍頽敝圖修舉乃給粟萬石命興山
 司之○夏四月太閤浴有馬溫泉○五月大君遣伏水
 親役遂如京師○秋九月小田原城主大窪忠世卒十六
 子忠隣嗣忠隣時為世子傳以純良稱焉○是月朝鮮遣
 使于明請定成保國冬十月明主召小西如安自遼東趣
 國都石星喜議行命道次厚禮接迎十二月七日如安至
 國都星親造客館盛設供帳敬待如王公密喻已意請屈
 情完事引以厚賂如安忻然聽命乃改約三事一曰求封

而不求貢二曰封已定兵在朝鮮者盡數撤回三曰修好
 朝鮮俾為屬國不復侵犯星取奏之十四日明主延見如
 安命星及諸大臣授如安筆札面議於東闕詰兵爭巔末
 十餘條如安承星意信筆解辨疊疊數千言務為恭順語
 星又修飾改定進之封議乃決刻日本國王印具冕服以
 李宗城為封册使楊方亨為副同汎惟敬往惟敬嘗自擬
 和成已必為正使及命下頗怨望且曰我曩約七事今唯
 一封慈得定之星弗聽○是歲大納言豐臣秀俊卒秀俊
 襲封于和泉紀三國驕虐貫盈一日遊吉野臨蜻蟻瀑斷
 崖通侍臣投水侍臣志拉秀俊俱溺云無嗣國除太閤以
 郡山和地二十萬石封增田長盛藤堂高虎攝軍在朝鮮太

和州... 七

閻授今治地七萬石以列諸侯初高虎父源介江人淺井

氏微者高虎蚤歲去而游事諸侯皆不遂得委質於和侯

秀長從事數有功以勇敏著稱累食邑至二萬石太閤亦

素器重之故有是命○甲侯光加藤遠江守與石田治部有

隙及在朝鮮三成毒而殺之于貞泰襲封尚弱於是三成

追潛光泰且曰甲嚙重藩貞泰幼而誠實不堪焉太閤乃

奪其封予黑野地濃之田四萬石徙若侯淺野長政封于甲

○相夫人氏大婦有干於是大君以妻吉田侯輝政○

藝侯輝元筑侯隆景皆無子輝元叔父元清總田備中守之子

為秀元少而端良宗人竊屬意焉初太閤以秀和出雲守

言左衛門督

為假子因欲為巨藩後心擬藝國隆景時任大坂

揣其旨竊謂我宗國其生自蕃不容滋他族以汨之矧秀

秋駑材乎我且代宗塞責矣太閤一日從容謂隆景曰藝

參議中身未有繼嗣為之如何隆景稽首對曰賤族秀元

材矣已議為後未取請耳太閤意塞因曰善夫盍亟告焉

隆景馳人報之藝侯乃申請定後於秀元隆景因請得秀

秋為已嗣太閤以筑亦重藩悅許之次年隆景告老立秀

秋退居三原借後地隆景舊邑及夫封太閤以三原為謝

絕世故優游自適隆景平素好茶事及閑退謂其人曰夫

茶室之設主於儉朴幽邃器物之需適在雅澹其親饋而

手點皆所以重賓主之禮洽其歡心也今觀世人造設競

究綺靡捐千金以取一甕是皆驕奢喪邦之階或賤買貴

取以矜賞器是商賈之事又以行禮為伎藝迭議巧拙沿
流忘源豈陸虛之意哉實可惜之甚者遂絕不復為乃事
簡編吟詠以終其身秀元後累遷從三位參議已而藝侯
生子秀就秀元請而避之藝侯因分封之以長之田十八
萬石云

○四年乙未春二月會津參議氏鄉卒于大坂年四初太
閤忌氏鄉雄豪悔其大封及在那古邪石田三成譖之中
以危言氏鄉一日食於一侯氏泄血數升遂得疾蓋三成
勸太閤毒之云氏鄉告之國少愈力朝京師疾復動遂如
大坂治養數月太閤陽善視之氏鄉知見忌不自安乃修
牋曰臣疾幸瘳朝鮮又平願提兵航海直掃定明國苟不

得志不復旋濟未及止而卒其疾革也賦國詩寓意其辭

曰隈有盤次年登花者散物遠心短幾春乃山風蓋知嘗

見毒也太閤覽遺牋知無他志甚嘆惜焉令幼孤秀行藤

郎後飛襲封○三月伏水城成太閤從治焉已而真季妃

淺井氏于淀以為離城越經書山城者與王闔鷓首往反

以供娛遊羣下因以淀日淺井氏其居淀雖不久而皆稱

不改云○常侯義宣竹欲籍太閤威悉鋤統下豪族以併

其地乃自設邸于伏水托會同厚貨于石田三成一日侍

太閤三成為言其上豪強梗難制之狀曰是無他輕侮故

下也迨今弗圖四方倣之六損威令太閤發怒命義宣剗

除焉義宣喜辭還伏甲饗豪右三十餘名搯擊吏之中是

所食至八十萬石深德三成酬幣盈門
逸史氏曰夫三氏之舉所謂同惡相求如市賈焉邪騁其
讒匿肆其殘暴唯務一時之利不復開永世之計悲夫出
乎爾及乎爾蓋皆所以自殃豈能得徒殃人而止哉
○夏五月太君東還留世子于京師密囑曰關白之惡
秘矣難將作女聞變則當避往伏水太閤倘及難徑奔太
坂關白以甘辭來招慎勿聽○六月太閤下令始於實天
下出蓋總檢天王田振古所無云○關白秀次與石田三
成增田長盛交惡二人時時短著太閤關白自知汰虐多
收怨母遊出齋中仗以自衛三成長盛聞之喜曰是可以
擯矣乃告曰關白之畋有甲意不可測太閤大怒秋七月

三日遣三成長盛及前田玄以等如聚樂詰問焉關白恐
謝罪獻載書七紙以明無異志太閤稍霽威木村重茲
初嬖於太閤為三成所構而細尋事關白甚寵機密無
所不預三成忌之常使人間伺時重茲治水于淀四日女
裝夜入聚樂盡漏而出三成輒知之報太閤五日昧爽關
白使人來我邸戒世子朝餐土井利勝疑有變辭以世子
未與使者去世子傳大窪忠隣令利勝奉世子奔伏水使
者復來促忠隣故留使者而後見之曰世子赴約于伏水
今行已遠矣關白聞之無然太閤見我世子悅曰有是哉
源公之兒也乃遣人來告變初關白恐列侯不佑已多予
金帛致殷勤尤結納藝侯輝元請盟送載書之稿於是列

侯各陳其總攬之狀是日藝侯獻其稿書迹皆涉不軌太
閣發怒遣人召關白關白與親臣議之紛紛不決吉田修
理曰君能行大事則假臣兵一萬乘夜襲伏水可以逞矣
關白弗聽次日遂如伏水太閣不見焉使加高野侯命付
諸僧興山時從者猶數百人石田三成斥之不得過三
人太閣奏秀次太逆之罪詔削秀次官爵廢爲庶人三
成密諭興山勸秀次自盡興山悉會法徒欲爲乞一死弗
果三成日夜勸太閣正典刑太閣乃遣福島正則等如高
野庶人秀次死十五日秀次自殺親近皆殉焉十六日
使者還獻元太閣不眎咤曰興山胡不情三成請而曩秀
次首于京師暴白其叛○大君聞變戒嚴是日發江戶道

上遲回以待後軍至三島聞秀次死乃兼行廿四日至伏
水○秀次好內菊亭右府晴季女美而癡秀次娶焉其先
夫之女亦美又取之母子並寵太閣最惡之又博求名姝
自公卿侯伯至士庶之家凡以殊色聞者皆迫而漁致後
房數百人耦嫡者二十餘人淫樂極醜晦日太閣併秀次
妻子妾媵三十餘人皆處斬瘞尸於一坊柳向齋家木村
重茲等親臣愛將多自殺其逃竄者皆索誅之往往夷其
族重茲有男生二年奶者匿之得免後祿大坂長門守重
成是也初太閣令田中兵部少輔吉政輔秀次吉政憂其
昏虐隨方規諫秀次厭之命修津國河堤遂遠之乃敗太
閣嘉其忠善遇之○太閣毀聚樂第徙諸侯邸于伏水

分秀次封次雖既承後而別受以賞羣臣徙福島正則
于清洲食二十萬石三成欲遂興大獄以陷害列侯巽已
者乃誣淺野長政伊達政宗最上義光出羽守後山形中將為逆黨
勒之於各邸鍛鍊羅織連累寔廣太閤命維之亡實會有
榜書曰最上伊達謀滅豐臣最上為西霸伊達為東霸太
閤覽之笑曰是怨家奸計耳夫秀次逆黨者亦是類也遂
首宥之初淺野幸長有書佐芹川藤介獲罪亡命三成潛
祿之於是藤介擬幸長手造其通秀次文書三成與長盛
謀而媒孽之發兵圍淺野氏以俟命黃門利家探知其寃
狀為發其奸太閤逮捕藤介一鞠即承力宥幸長予之藤
介幸長磔殺之衆皆切齒於三成而太閤寵遇益渥

逸史氏曰嗚呼秀次之昏極自足速亡然未有大逆之心
則其亡也三成之譖矣太閤既念廢立而秀次之辜又大
矣然未有必殺之意則其死也三成之譖矣殃及池蘄舉
室魚肉甚矣譖人之害也巷伯詩欲弔豺虎者不為過矣
然使我無讞之可乘無聽之可惑則雖有百譖人亦未如
之何可不慎與

○先是丹波少將秀勝卒無嗣國除夫人淺井氏以流
弟托太閤氏九月太閤以淺井氏為養女配我世子秀忠
生二男五女長大猷大君次駿河大納言忠長長女配
豐臣秀賴次配京極若狹守忠高次配加賀中納言利常
次配越前少將忠直季是歲明行人李宗城楊方亨與
為後水尾帝皇后沉惟敬至朝鮮請我撤兵諸將不得已撤諸成會釜山以

撰修... 卷之三

明情難測未敢旋師小西行長亦劄平壤詭計不肯見宗

城等明又屢促其行二使怵惑惟敬辭以風潮不便禮節

未足遷延竟歲

○夫其世述之隆各到平壤備國婦夫人民其以...

... 不...

... 未...

... 亦...

... 亦...

逸中卷之七終

